

• *sia data Copia ai rispettivi corpi.* — Cosa certo urtante e offen-
 • siva, perchè nova e strana. Sta copia dove s'ha da metterla? In
 • senato, in Conseggio de Dieci? Se usa ben, e questo anche ze stìl
 • novo nei da mo: *El sia data copia; ma ai magistrati,* le progred-
 • dissa: — *Come pure ai Presidenti sopra offizi.* — Anche questa ze
 • una patente ingiuria. Sta copia, cosa ghe disela de novo? Gnente
 • de novo o de vecchio; anzi l'articolo del ministero la ghe lo tol-
 • e e la lo dà al senato. La proposizion donca li avverte del spojo della
 • loro autorità. Ingiuria ai corpi, che ha avudo sempre un puntiglio
 • onorato de far eseguir le deliberazioni legittime dalle legittime
 • podestà. Per el corpo de Quaranta al criminal no gh'era certo
 • bisogno de copia; i se averave fatto un rigoroso dover de ob-
 • bedir.

• Falsa donca la proposizion nei supposti, illusoria, la ze anche
 • indecente nei modi e indecorosa ed ingiuriosa ai corpi. Le ha
 • sentido in sta proposizion, ch'el Mazor Conseggio se impegna de
 • approvar tutto quello, sarà fatto dai corpi, ai quali se rivolge la
 • serenissima Signoria. El Mazor Conseggio donca nota in sto di
 • un costituito volontario de approvar tutto quello delibererà el se-
 • nato, tutto quello sarà dall'eccelso Conseggio de Dieci preso. O
 • sto impegno ch'el prende ze vero e real, o el ze falso. Se el ze
 • vero, el Mazor Conseggio donca riceve da un altro corpo la leg-
 • ge. Se el ze finto e delusorio, el ze indecente alla dignità, al de-
 • coro, alla maestà del supremo padron della repubblica. Galle sta
 • bona disposizion? Se sentele in stato de prenderse sto impegno
 • adesso per allora? Salle, che proposizion ghe possa esser offerta?
 • Ghe ne ze stade presentade alcune: tal'ora le le ha accolte;
 • tal'ora anche le fu contradette; né le fu prese. Chi le assicura,
 • che questo non possa nascer nell'avvenir, massime nell'articolo
 • del lusso? La ze donca in sta parte delusoria e indecente, la ze
 • poi anche pericolosa nei obbietti.

• Eccellentissimi signori, distinguemo. El costume ze un argo-
 • mento, no ze una materia. Altro ze materie parziali, altro ze